

孔叢子

			五	漢
			二	書
		五	二	門
	四	七	二	
冊	架	函	號	類

庫文閣內			
三	五		漢
九	二		書
八	二		
函			
五	四		
架	冊	號	類

內閣文庫		
番號	漢	5222
冊數		4 (3)
函號		298 43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





孔叢子卷中

公孫龍第十二

淺草堂藏書

公孫龍者平原君之客也。好刑名以白馬為非，白馬或謂子高曰：「子高，孔叢子之字，孔叢子，高之字，高之字，高之字。此人小辨而毀大道。」子高曰：「正諸子高曰：大道之悖，天下之交往也。吾何病焉？」或曰：「雖然，子為天下故往也。」子高適趙，與龍會平原君家。謂之曰：「僕居魯，遂聞下風，而高先生之行也。願受業之日久矣，然所不取於先生者，獨不取先生以白馬為非。白馬爾誠去非，白馬之學則穿請為弟子。」公孫龍曰：「先生之言悖也。龍之學正以白馬非白馬者也。今使龍去

刊 孔叢子

之則龍無以教矣今龍為無以教而乃學於龍不亦悖乎且夫學於龍者以智與學不逮也今教龍去白馬非白馬是先教也而後師之不可也先生之所教龍者似齊王之問尹文也齊王曰寡人甚好士而齊國無士尹文曰今有入於此事君則忠事親則孝交友則信處鄉則順有此四行者可謂士乎王曰善是真吾所謂士者也尹文曰王得此人肯以為臣乎王曰所願不可得也尹文曰使此人於廣庭太衆之中見侮而不敢鬪王將以為臣乎王曰夫士也見侮而不敢鬪是辱則寡人不可以為臣矣尹文曰雖見侮而不敢鬪是未失所以為士也然

而王不以為臣則鄉所謂士者乃非士乎夫王之令殺人者死傷人者刑民有畏王令故見侮終不敢鬪是全王之法也而王不以為臣是罰之也且王以不敢鬪為辱必以敢鬪為榮是王之所賞吏之所罰也上之所是法之所非也賞罰是非相與曲謬雖十黃帝固所不能治也齊王無以應且白馬非白馬者乃子先君仲尼之所取也龍聞楚主張繁弱之弓載忘魚之矢以射蛟兕於雲夢之囿反而喪其弓左右請求之王曰止也楚人遺弓楚人得之又何求乎仲尼聞之曰楚王仁義而未遂亦曰人得之而已矣何必楚乎若是者仲尼異楚人

於所謂人也。夫是仲尼之異楚人於所謂人而非龍之異白馬於謂馬悖也。先生好儒術而非仲尼之所取也。欲學而使龍去，所以教雖百龍之智固不能當前也。子高莫之應，退而告人曰：言非而博巧而不理，此固吾所不答也。異日平原君會衆賓而延子高，平原君曰：先生聖人之後也，不遠千里來顧臨之，欲去夫。公孫子白馬之學，今是非未分而先生翻然欲高逝，可乎？子高曰：理之至精者則自明之，豈任穿之退哉？平原君曰：至精之說可得聞乎？荅曰：其說皆取之經傳，不敢以意。春秋記六鷁退飛，覩之則六察之；則鷁鷁猶馬也。六猶白也，覩

之得見其白，察之則知其馬色，以名別內由外顯謂之白馬，名實當矣。若以絲麻加之，女士為緇，素青黃色名雖殊，其質則一。是以詩有素絲，不曰絲，素禮有緇布，不曰布，緇纁牛玄武，此類甚衆。先舉其色，後名其質，萬物之所同，聖賢之所常也。君子之謂貴當物理，不貴繁辭。若尹文之折齊主之所言，與其法錯故也。穿之所說於公孫子高，其智悅其行也。去白馬之說，智行固存，是則穿未失其所師者也。稱此云云，沒其理矣。是楚王之言，楚人亡弓，楚人得之，先君夫子探其本意，欲以示廣其實，欲之故曰不如亦曰人得之而已也。是則異楚王之

所謂楚非異楚王之所謂人也以此為喻乃相擊切矣
凡言人者總謂人也亦猶言馬者總謂馬也楚自國也
白自色也欲廣其人宜在去楚欲正名色不宜去白沈
察此理則公孫之辨破矣平原君曰先生言於理善夫
因顧謂衆賓曰公孫子能答此乎燕客史由對曰辭則
有焉理則否矣○公孫龍又與子高記論於平原君所
辨理至於臧三耳公孫龍言臧之三耳甚辨析子高弗
應俄而辭出明日復見平原君曰疇昔公孫之言信辨
也先生實以為何如答曰然幾能臧三耳矣雖然實難
僕願得又問於君今為臧三耳甚難而實非也謂臧兩

耳甚易而實是也不知君將從易而是者乎亦從難而
非者乎平原君弗能應明日謂公孫龍曰公無復與孔
子高辨事也其人理勝於辭公辭勝於理辭勝於理終
必受譴○李寅言曹良於平原君欲仕之平原君以問
子高子高曰不識也平原君曰良嘗得見於先生矣故
敢問子高曰世人多自稱上用我則國無患夫用智莫
若觀其身其身且猶不免於患國用之亦烏得無患乎
平原君曰良之有患時不明也居家理治可移於官良
能殖貨故欲仕之子高曰未可知也今有人於此身脩
計明而貧者志不存也身不脩會計闇而富者非盜無

所得之也

儒服第十三

子高衣長裾振袂袖方履屨屨也屨扇見平原君君曰吾子亦儒服乎子高曰此布衣之服非儒服也儒服非一也平原君曰請吾子言之答曰夫儒者居位行道則有衮冕之服統御師旅則有介冑之服從容徒步則有若穿之服故曰非一也平原君曰儒之為名何取爾子高曰取包衆美兼六藝動靜不失中道○子高遊趙平原君客有鄒文季節者與子高相善及辭還會諸故人訣既畢文節送行三宿臨別文節流涕交頤子高徒抗手

而已分背就路其徒問曰先生與彼二子善彼有戀戀之心未知後會何期悽愴流涕而先生厲聲高揖此無乃非親親之謂乎子高曰始焉謂此二子丈夫爾乃今知其婦人也人生則有四方之志豈鹿豕也哉而常聚乎其徒曰若此二子之泣非邪答曰斯二子良人也有不忍之心若於取斷必不足矣其徒曰凡泣者一無取乎子高曰有二焉大姦之人以泣自信婦人懦夫以泣著愛○平原君與子高飲強子高酒曰昔有遺謬堯舜千鍾孔子百觚子路嗜嗑尚飲十榼古之聖賢無不能飲也吾子何辭焉子高曰以穿所聞賢聖以道術兼人

未聞以飲食也平原君曰則如先生所言則此言何生
子高曰生於嗜酒者蓋其勸厲獎戲之辭非實然也平
原君欣然曰吾不戲子無所聞此雅言也○平原君問
子高曰吾聞子之先君親見衛夫人南子又云南遊遇
乎阿谷而交辭於漂女信有之乎答曰士之相保聞流
言而不信者何哉以其所已行之事古之也昔先君在
衛衛君問軍於馬拒而不告色不已攝駕而去攝取衛
君請見猶不能終何夫人之能觀乎古者太饗夫人與
馬於時禮儀雖廢猶有行之者意衛君夫人饗夫子則
夫子亦弗獲已矣若夫阿谷之言起於近世殆是假其

類以行其心者之爲也○子高適魏會秦兵將至信陵
君懼造子高之館而問祈禱之禮馬子高曰命勇謀之
將以禦敵先使之迎於敵所從來之方爲壇祈克于五
帝衣服隨其方色執事人數從其方之數牲則用其方
之牲祝史告于社稷宗廟邦域之內名山太川君親素
服誓衆于太廟曰某人不道侵犯大國二三子尚皆同
心北方死守將帥稽首再拜受命既誓將帥勒士卒陳
于廟之右君立太廟之庭祝史立于社百官各饗其事
御于君以待命及大鼓于廟門詔將帥命卒習射三發
擊刺三行告廟用兵于敵也五兵備効乃鼓而出以卽

敵此諸侯應敵之禮也信陵君曰敬受教信陵君問子
高曰古者軍旅賞人必於祖戮人必於社其義何也答
曰賞功於祖告分之均示不敢專也戮罪於社告中於
土示聽之當也陳廌魏性多穢些每得酒食必先撥
捐之然後乃食子高告之曰子無然也似有能者昔君
子之於酒食有率嘗之義無捐於之道假其可食其上
下如擇假令不潔其下滋其陳廌曰吾知其無益意欲
如此子高曰意不可恣也夫木之性以櫟括自直可以
久而不如木乎子不見夫鷄耶聚穀如陵跪而啄之若
縱子之意則與雞豈有異乎陳廌跪曰吾今而後知過

矣請終改之子高任司馬父為將於齊與燕戰而敗
齊君曰以子賢明故信子也答曰君知穿孰若周公齊
君曰周公聖人而子賢者弗知也子高曰然臣固弗知
周公也以臣之知又孰若周公之知其弟齊君曰兄弟
審於他人子高曰君之言是也夫以周公之聖兄弟相
知之審而近失於管蔡明人難知也臣與父相見觀其
材志察其所履齊國之士弗能過也書曰知人則哲惟
帝難之穿何慚焉且曹子為魯二與齊戰三敗失地然
後以勇敢之節奮三尺之劍要桓公管仲於盟壇卒收
其所喪夫君子之敗如日月之蝕人各有能又庸可棄

海曆五年刊
黃明山百〇五

乎今燕以詐破父是父不能於詐也臣之稱父稱其武
勇才藝不稱其詐也父雖敗臣固不失其所稱焉齊君
屈辭而不黜司馬父

對魏士第十四

魏王問人主所以為患魏安子高對曰建大臣而不與
謀嬖倖者言用則知士以疎自疑疎自疑上之嬖臣以遇
徼幸者內則合主心外則挺主之非此最人主之大
患也○子高謂魏王曰臣入魏國見君之二計臣張
叔謀有餘范威智不逮然其功一也王曰叔也有威
也不逮何同乎答曰駕驥同鞍伯樂為之咨嗟王相

操和氏為之嘆息故賢愚共貫則能士匿謀真為相錯
則正士結舌叔雖有餘猶威不逮也○魏王問何如可
謂大臣子高答曰大臣則必取眾人之選能犯顏諫爭
公正無私者計陳事成主裁其賞事敗臣執其咎主任
之而無疑臣當之而弗避君總其美臣行其義然則君
不猜於臣臣不隱於君故動無過計舉無敗事是以臣
主並各有得也○信陵君問曰古之善為國至於無訟
其道何由答曰由乎政善也上下勤德而無私德無不
化俗無不移衆之所譽政之所是也衆之所毀政之所
非也毀譽是非與政相應所以無訟也○齊主行車裂

之刑群臣諍之弗聽王高見於齊王曰聞君行車裂之刑無道之刑也而君行之臣竊以爲下吏之過也王曰寡人爾民多犯法爲法之輕也子高曰然此誠君之盛意也夫人含五常之性有喜怒哀樂喜怒哀樂無過其節節過則毀於義民多犯法以法重無所措手足也今天下悠悠士無定處有德則住無德則去欲規霸王之業與衆大國爲難而行酷刑以懼遠近國內之民將叛四方之士不至此乃亡國之道君之下吏不具以聞徒恐逆主意以爲憂不慮不諫之危亡其所矜者小所喪者大故曰下吏之過也臣觀之又非徒不諍而已也心

知此事之爲不可將有非議在後則因曰君忿意實然我諫諍必有龍逢比干之禍是爲虛自居於忠正之地而闡推君主使同於桀紂也且夫爲人臣見主非而不諍以陷主於危亡罪之大者也人主疾臣之弼也而惡之資臣以箕子比干之忠惑之大者也齊主曰謹聞命遂除車裂之法焉○子高見齊主齊主問誰可臨淄宰稱管穆焉王曰穆容貌陋民不敬答曰夫見敬在德且臣所稱稱其材也君王聞晏子趙文子乎晏子長不過三尺面貌惡齊國上下莫不宗焉趙文子其身如不勝衣其言如不出口非但體陋辭氣又呐呐然其相晉國

晉國以寧諸侯敬服皆有德故也以穆軀形方之二子猶悉賢之昔臣常行臨淄市見屠商焉身脩八尺鬚髯如戟面正紅白市之男女未有敬之者無德故也王曰是所謂祖龍始者也祖龍始乃屠商姓名談如先生之言於是乃以管穆為臨淄宰

陳士義第十五

魏主遣使者奉黃金束帛聘子順為相孔武後名斌字子順子高之子子順謂使者曰若王信能用吾道吾道固為治世也雖疏食飲水吾猶為之若徒欲制服吾身委以重祿吾猶一夫爾則魏王不少於一夫子度魏主之心以告我使

者曰魏國狹小乏於聖賢寡君又聞下風願委國先生親受教訓如肯降節豈惟魏國君臣是賴其亦社稷之神祇實永受慶於是乃之魏魏主郊迎謂子順曰寡人不肖嗣先君之業先生聖人之後道德懿邵幸見顧臨願圖國政對曰臣羈旅之臣慕君高義是以戾此君辱貺而問以政事敢不敬受君之明令○魏王朝群臣問理國之所先季文對曰唯在知人王未之應子順進曰知人則哲帝堯所病故四凶在朝鯀任無功夫豈樂然哉人難知故也今文之對不稱吾君之所能行而乃欲強吾君以聖人所難此不可行之說也王曰先生言之

對曰當今所急在修仁尚義崇德敦禮以接鄰國而已
昔舜命衆官群臣競讓德禮之致也苟使朝臣皆有推
賢之心主雖不知人則臣位必當若皆以知人為治則
人主宜未過堯且其目所不見者亦必漏矣王曰善矣
○秦主得西戎利力以之割玉如割木馬以示東方諸
侯魏主問于順曰古亦有之乎對曰周穆王大征西戎
西戎獻銀鍔之劍火浣之布其劍長尺有咫鍊鋼赤劍
用之切玉如泥馬是則古亦有也王曰火浣之布若何
對曰周書火浣布垢必投諸火布則火色垢乃灰色出
火振之皜然疑乎雪焉王曰今何以獨無對曰秦貪而

多求求欲無厭是故西戎閉而不致此以素防絕之也
然則人主貪欲乃異物所以不至不可不慎也○魏王
曰吾聞道士登華山則長不死意亦願之對曰古無是
道非所願也王曰吾聞信之對曰未審君之所聞親聞
之於不死者耶聞之於傳聞者耶君聞之於傳聞者妄
也若聞之於不死者今安在在者君學之勿疑不在者
君勿學無疑○李由之母少寡與李音竊相好而生由
由有才藝仕於魏王甚愛之或曰李由母姦不知其父
不足貴也王以告由且曰吾不以此賤子也雖然古之
聖賢亦有似子者乎吾將舉以折毀子者李由對曰今

人不通於遠在臣欲言誰爾且孔子少孤則亦不知其父者也孔子母死殯於五父之衢人見之皆以為墓問鄆曼父之母得合葬於防此則聖人與臣同者也王笑曰善子順聞之問魏主曰李由安得斯言王曰假以自顯無傷也對曰虛造謗言以誣聖人非無傷也且夫明主之於臣唯德所在不以小疵妨大行也昔鬬子文生於潘而不害其爲令尹今李由可則寵之何患於人之言而使橫生不然之說若欺有知則有知不受若欺凡人則凡人無知必亦問臣則臣亦不爲君之故誣祖以顯由也如此群臣更知由惡此必聚矣所謂求白潔而

益其垢猶抱石以救溺愈不濟矣○魏主使相國修好鄰國遂連和於趙趙主既賓之而燕問子順曰今寡人欲來北狄不知其所以然答曰誘之以其所利而與之通市則自至矣王曰寡人欲因而弱之若與交市分我國貨散於夷狄是疆之也可乎答曰夫與之市者將以我無用之貨取其有用之物是故所以弱之之術也王曰何謂我之無用彼之有用答曰衣服之物則有珠玉五綵飲食之物則有酒醪五熟也此卽我之所有而彼之所利者也夷狄之貨唯牛馬旃裘弓矢之器是其所饒而輕以與人者也以吾所有易彼所饒如斯不已

則夷狄之用將廢於衣食矣殆可舉植而驅之豈徒弱
之而已乎趙主曰敬受教○枚產魏人問子順曰臣匱於
財聞猗頓善殖貨欲學之然先生同國也當知其術願
以告我答曰然知之猗頓魯之窮士也耕則常饑桑則
常寒聞陶朱公富往而問術焉朱公告之曰子欲速富
當畜五牝於是乃適西河大畜牛羊于猗氏之南十年
之間其滋息不可計贊擬王公馳名天下以興富於猗
氏故曰猗頓且夫爲富者非唯一術今子徒問猗頓何
也枚產曰亦將問之於先生也答曰吾貧而子問以富
術縱有其術是不可用之術也昔人有言能得長生者

道士聞而欲學之比往言者死矣道士高蹈而恨夫所
欲學學不死也其人已死而猶恨之是不知所以爲學
也今子欲求殖貨而問術於我我且自貧安能教子以
富乎子之此問有以道士之學不死者也○東里閭人
空腹而好自賢欲自親於子順子順不下或曰夫君子
之交於世士亦取其一節而已東閭子疏達亮直太丈
夫也求爲先生後而先生無意接之斯者無乃非周公
之交入乎子順曰此吾所以行周公之行也夫東閭子
外質頑拙有似疏直然內懷容媚諂昧非大丈夫之節
也若其度骸稱膚面自鬢眉實美於人聖人論士不以

為貴者無益於德故也然東閭子中不應外侮慢世士
即所謂愚人而謂人為愚者也持其虛狀以不德於人
此乃周公之所罪何文之有○官他魏人見子順曰他困
貧賤將欲自託富貴之門庶克免乎子順曰夫富而可
以託貧貴而可以寄賤者天下寡矣非信義君子明識
窮達則不可今子所欲託者誰也官他曰將適趙公子
子順曰非其人矣雖好養士自奉而已終弗能稱也官
他曰將適燕相國子順曰彼徒兄弟甥舅各濟其私無
求賢之志不足歸也官他曰將適齊田氏子順曰齊太
國也其士大夫皆有自多之心不能容子也他曰然則

何向而可子順曰吾勿識也官他曰唯先生知人願告
所擇將往庇焉子順曰齊子之欲則宜若邱成子者也
昔邱成子自魯聘晉過乎衛右宰穀臣止而觴之陳樂
而不作送以寶璧反過而不辭其僕曰日者右宰之觴
吾子其歡也今過而不辭何也成子曰夫止而觴我與
我歡也陳樂而不作告我哀也送我以璧寄之我也若
由此觀之衛其有亂乎皆衛三十里聞竈喜作難右宰
死之還車而臨三舉而歸反命于君乃使人迎其妻子
隔宅而居之分祿而食之其子長而反其璧夫子聞之
曰智可與徵謀仁可與託孤廉可以寄財者其邱成子

之謂乎今子求若人之比庶焉可也官他曰循先生之言舍先生將安之請從執事子順辭不得已乃言之魏王而升諸朝○子順相魏改復寵之官以事賢才奪無任之祿以賜有功諸喪職秩者不悅乃造謗言文咨魏人以告且曰夫不害前政而有成就與變之而起謗哉子順曰民不可與慮始久矣古之善為政者其初不能無謗子產相鄭三年而後謗止吾先君之相魯三月而後謗止今吾為政日新雖不能及聖賢庸知謗止獨無時乎文咨曰子產之謗嘗亦聞之未哉先君之謗何也子順曰先君初相魯魯人謗誦曰麇裘而芾投之無戾芾

之麇裘投之無郵及三年政成化既行民又作誦曰裘衣章甫實獲我所章甫裘衣惠我無私文咨喜曰乃知先生亦不異乎聖賢矣○魏主謂子順曰吾欲致天下之士柰何子順對曰昔周穆王問祭公謀父曰吾欲得天下賢才對曰去其帝王之色則幾乎得賢才矣今臣亦請君去其尊貴之色而已王曰吾欲得無欲之士為臣何如子順曰人之可使以有欲也故欲多者其所得用亦多欲少者其所得用亦少夫夷齊無欲雖文武不能制君安得而臣之

論勢第十六

萬曆五年刊 七卷子中

七

揚育

四百三

魏王問相國曰今秦負強以無道陵天下天下莫不患寡人欲割國之半以親諸侯求從事於秦可乎子順對曰以臣觀之殆無益也今天下諸侯畏秦之日久矣數被其毒無欲復之之志心無所計委國於游說之士游說之士挾強秦以為資賣其國以收利又未服從曾不能制如君之謀未獲其利而祇為各適足以速秦之首誅則無以得之不如守常以須其變也王曰秦其遂有天下乎對曰必然焉雖然取不以道得不以道自古以來未有能終之者五國西誅秦子順會之秦未入境而還諸侯留兵於成臯子順謂市丘子曰此師楚為之主

今兵罷而不散殆有異意君其備之市丘子曰先生幸而教之願以國寄先生子順許諾遂見楚主曰王約五國而西伐秦事既不集又久師於市丘謗君者或以君欲攻市丘以償兵費天下之士且以是輕君而重秦又且不義君之為矣王故不卜交乎楚主曰奈何子順曰王出令使五國勿攻市丘五國重王則聽王之令矣不重王則且反王之令而攻市丘以此卜五國交王之輕重必明矣楚主敬諾而五國散○趙聞魏將以求親於秦子順謂趙王曰趙悼襄王此君之下吏計過也比目之魚所以不見得於人者以儼視而俱走也今秦有兼吞天

下之志日夜伺聞不忘於側息也趙魏與之隣接而強弱不敵秦所以不敢圖并趙魏者徒以三國併周旋者也今無故自離以資強秦天下拙謀無過此者故臣曰君之下吏計過也夫連鷄不能上捷亦猶三國構難不能自免於秦也願王孰慮之趙主曰敬受教○韓與魏有隙子順謂韓主曰昭釐侯一世之明君也韓宣惠之子申不害一世之賢相也韓與魏敵侔之國而釐侯執圭見深君者非好卑而惡尊慮過而計失也與嚴敵為鄰而動有滅亡之變獨勁不能支二難故降心以相從屈也以求存也申不害慮事而言忠臣也昭釐侯聽

而行之明君也今韓弱於始之韓魏弱於始之魏秦強於始之秦而皆先人之舊好以區區之衆居二敵之間非良策也齊楚遠而難恃秦魏呼吸而至舍近而求遠是以虛名自累而不免近敵之困者也為王計者莫如除小忿全大好也吳越之人同舟濟江中流遇風波其相救如左右手者所患同也今不恤所向之患是不知吳越之舟人也韓主曰善○秦兵攻趙魏大夫以為於魏便子順曰何謂曰勝趙則吾因而服焉不勝趙則可乘弊而擊之子順曰不然秦自孝公以來戰未嘗屈今皆良將何弊之乘大夫曰縱其勝趙於我何損鄰之不

修國之福也子順曰秦貪暴之國也勝趙必復他求吾
恐於時受其師也先人有言燕雀處屋子母相哺以
然其相樂也自以為安矣竈突炎上棟宇將焚燕雀顏
不變不知禍之及也今子不悟趙破患將及也可以
入而同於燕雀乎○齊攻趙圍廩丘趙使孔青帥五萬
擊之剋齊軍獲尸三萬趙主詔勿歸其尸將以困之子
順聘趙問主曰不歸尸其困何也曰其父兄子弟悲苦
無已廢其產也子順曰非所以困之也死一也歸尸與
不悲苦胡異焉以臣愚計貧齊之術乃宜歸尸王曰何
謂對曰使其家遠來迎尸不得事農一費也歸所葬使

其送死終事一費也一年之中喪卒三萬三費也欲無
困貧不能得也王曰善既而齊大夫聞其子順之謀曰
君子之謀其利博哉○子順相魏凡九月陳大計輒不
用乃喟然嘆曰不見用是吾言之不當也言不當於主
而居人之官食人之祿是尸利也尸利素殮吾罪深矣
退而以病致事魏王遣使入其館謝曰寡人昧於政事
不顯明是非以啓罪於先生今知改矣願先生為百姓
幸起而教之辭曰臣有大馬之疾不任國事苟得從
四民之列子弟供魏國之征乃君惠也敢辱君命以速
刑書人謂子順曰王不用子子其行乎答曰吾將行如

之山東則山東之國將并於秦秦為不義義所不入
寢于家○秦急攻魏王恐或謂子順曰如之何答曰王
私有計然豈能賢於執政故無言焉魏王聞之駕如
氏親問焉曰國亡矣如之何對曰夫棄之不如用之之
易也死之不如棄之之易也人能棄之弗能用也能死
之不能棄也今王亡地數百里亡城數十而患不鮮是
王棄之非用之也秦之強天下無敵魏之弱甚矣而王
是以質秦景閔王為太子此王能死不能棄之也是重
過也若能用臣之計則虧地不足傷國卑體不足苦身
患除怨報矣今秦四境之內執政以下固曰與姦氏乎

與呂氏乎門閭之下廊廟之上猶皆如是今王誠能割
地賂秦以為媾毒功卑身尊秦以固媾毒王是以國贖
媾毒也則媾毒勝矣於是太后之德王也深如骨肉王
之父最為天下之上矣孰不棄呂氏而從媾毒天下皆
然則王怨必報矣按此策甚下諫

執節第十七

趙孝成王問曰昔伊尹為臣而放其君其君不怨何行
而得乎此也子順答曰伊尹執人臣之節而稱其君以
禮亦行此道而已矣王曰方以放君為名而先生稱禮
何也子順曰以禮括其君使入於善也曰其說可得聞

乎答曰其在商書太甲嗣立而于冢宰之政伊尹曰惟
王舊行不義習與性成予不狎于不順王始即桐廬于
先主其訓罔以後人迷王往居憂父思厥祖之明德是
言太甲在喪不明乎人子之道而欲知政於是伊尹使
之居桐近湯之墓處憂哀之地放之不俾知政三年服
竟然後反之即所以奉禮執節事太甲者也率其君以
義強其君以孝道未有行此見怨也王曰善哉我未之
聞也○魏安釐王問子順曰馬向之為入雖少才文梗
梗亮直作有大丈夫之節吾欲以為相可乎答曰知
仁莫若君何有不可至於亮直之節臣未明也王曰何

故答曰聞諸孫卿云其為人也長自而豕視者必體方
而心圓每以其法相以千百不失臣見何非不備其體
幹也然甚疑其目王卒用之三月果以諂得罪○新垣
固謂子順曰賢者所在必興化致治今子相魏未聞異
政而即自退其有志不得白何去之速也答曰以無異
政所以自退也且死病無良醫今秦有吞食天下之心
以義事之固不獲安救亡不暇何化之興昔伊摯在夏
呂望在商而二國不理豈伊呂之不欲哉勢不可也當
如今日山東之國弊而不振三晉割地以求安二周折
節而入秦燕齊宋楚已屈服矣以此觀之不出二十年

天下盡為秦乎○季節見於子順子順賜之酒辭問其
故對曰今日家之忌日也故不敢飲子順曰飲也禮忌日不飲
樂而已未禮雖服衰麻見於君及先生與之梁肉無辭
所以敬尊長而不敢遂其私也忌日方於有服則輕矣
○魏安釐王問天下之高士子順曰世無其人也抑可
以為次其魯仲連乎王曰魯仲連強作之者非體自然
也答曰人皆作之作之不止乃成君子文武欲作堯舜
而至焉昔我先君夫子欲作文武而至焉作之不變習
與體成習與體成則自然矣○虞卿著書名曰春秋魏
齊曰子無然也春秋孔聖所以名經也今子之書大抵

談說而已亦以為名何答曰經者取其事常也可常則
為經矣且不為孔子其無經乎齊問子順子順曰無傷
也魯之史記曰春秋經因以為名焉又晏子之書亦曰
春秋吾聞泰山之上封禪者七十有二君其見稱述數
不盈十所謂貴賤不嫌同名也○邯鄲之民以正月之
旦獻雀於趙主而綴之以五絲趙主大悅申叔以告子
順曰王何以為也對曰正且放之示有生也子順曰此
委巷之鄙事爾非先王之法也且又不令申叔曰敢問
何謂不令答曰夫雀者取其名焉則宜受之於上不宜
取之於下下人非所得制爵也而王悅此殆非吉祥矣

昔號公祈神神賜之土由是失國而更受田之祥也今以一國之王受民之雀將何悅哉○申叔問曰犬馬之名皆因其形色而名馬唯韓盧宋鵠獨否何也子順答曰盧黑色鵠白黑色非色而何○魏公子無忌死韓君將親弔焉其子榮之以告子順子順曰必辭之禮鄰國君弔君主之今君不命子則子無所受其君也其子辭韓韓君乃止○子高以為趙平原君霸世之士惜其不遇時也其子子順以為衰世之好事公子無伯相之才也申叔問子順曰子之家公有道先生既論之矣今子易之是非焉在答曰言貴盡心亦各其所見也若是非

則明智者裁之○申叔問子順曰禮為人臣三諫不從可以稱其君之非乎答曰禮所不得也曰叔也昔者逮事有道先生問此義焉而告叔曰得稱其非者所以使天下人君不敢遂其非也子順曰然吾亦聞之是亡考起時之言非禮意也禮受放之臣不說入以無罪先君夫子曰事君欲諫不欲陳言不欲顯君之非也申叔曰然則晏子叔向皆非禮也答曰此二大夫相與私燕言及國事未以為非禮也晏子既陳饒賤而踊貴於其君其君為之省刑然以及叔向叔向聽晏子之私又承其問所宜亦答以其事也○魏王問子順曰寡人聞昔者

萬曆五年刊
三
初存四百世三

上天神異后稷而為之下嘉穀周以遂興往中山之地
無故有穀非人所為云天雨之反亡國何故也答曰天
雖至神自古及今未聞下穀與人也詩美后稷能大教
民種嘉穀以利天下故詩曰誕降嘉種猶書所謂稷降
播種農殖嘉穀皆說種之其義一也若中山之穀妖恠
之事非所謂天祥也○趙王問相於平原君平原君曰
鄒文可人趙王曰其行如何對曰夫孔子高天下之高士
也取友以行交游以道文與之遊稱曰好義王其用之
王卒不用後以平原君言問子順且曰先生知之乎答
曰先父之所交也何敢不知王曰寡人雖失之在前猶

願聞其行於先生也答曰行不苟合雖賤不渝君子人
也王遂禮之固以老辭○趙王問子順曰寡人聞孔氏
之世自正考父以來儒林相繼仲尼重之以太聖自茲
以降世業不替天下諸侯咸資禮焉先生承其緒作二
國師從古及今載德流聲未有若先生之嗣率由前訓
將與天地相敬美答曰若先祖父並稟聖人之性如君
王之言也至如臣者學行不敏寄食於趙祿仕於魏幸
遇二國之君寬以容之若乃師也未敢承命假令賴君
之願後世克祚不忝前人不泯祖業豈徒一家之賜哉
亦天下之慶也王曰必然必然

詰墨第十八

墨翟著書誣稱孔易之事故孔鮒詰辨之

墨子稱景公問晏子以孔子而不對又問三皆不對公曰以孔子語寡人者衆矣俱以為賢人今問子而不對何也晏子曰嬰聞孔子之荆知白公謀而奉之以石乞勸下亂上教臣弑君非聖賢之行也

詰之曰楚昭王之世夫子應聘如荆不用而反周旋乎陳宋齊衛楚昭王卒惠王立十年令尹子西乃召王孫勝以為白公史云是時魯哀公十五年也夫子自衛反魯居五年矣白公立一年然後乃謀作亂亂作在哀公十六年秋也夫子已卒十旬矣墨子雖欲謗毀聖人虛造妄言柰此年世不相值何

墨子曰孔子之齊見景公公悅之封之以尼谿晏子曰不可夫儒浩居而自順立命而怠事崇喪遂哀盛

用繁禮其道不可以治國其學不可以導家公曰善

詰之曰即如此言晏子為非儒惡禮不欲崇喪遂哀也察傳記晏子之所行未有以異於儒焉又景公問所以為政晏子答以禮云景公曰禮其可以治乎晏子曰禮於政與天地並此則未有以惡於禮也晏桓子卒晏嬰斬衰枕草且經帶杖菅菲食粥居於倚廬遂哀三年此又未有以異於儒也若能以口非之而躬行之晏子所弗為

墨子曰孔子怨景公之不封已乃樹鵝夷子皮於田常之門

詰之曰夫樹人為信已也記曰孔子適齊惡陳常而終

不見即田常常病之亦惡孔子交相惡而又任事其然矣
記又曰陳常弑其君孔子齋戒沐浴而朝請討之觀其
終不樹子皮審矣

墨子曰孔子為魯司寇

詰之曰若以季孫為相司寇統焉奉之自法也若附意

季孫季孫既受女樂則孔子去之季孫欲殺囚則孔子

赦之非苟順之謂也

墨子曰孔子厄於陳蔡之間子路烹豚孔子不問肉之所由來而食之

詰之曰所謂厄者沽酒無處藜藿不粒之食七日若烹

豚飲酒則何言乎厄斯不然矣且子路為人勇於見義

縱有豚酒不以義不取之可知也又何問焉

墨子曰孔子諸弟子子貢季路輔孔子惶以亂衛陽虎亂魯佛肸以中牟畔漆雕開形殘

詰之曰如此言衛之亂子貢季路為之耶斯不待言而

了矣陽虎欲見孔子孔子不見何弟子之有佛肸以中

牟叛召孔子則有之矣為孔子弟子未之聞也且漆雕

開形殘非行已之致何傷於德哉

墨子曰孔子相魯齊景公患之謂晏子曰鄰有聖人國之憂也今孔子相魯焉之若何晏子對曰君其勿憂彼魯君弱主也孔子聖相也不如陰重孔子欲以相齊則必強讓魯君魯君不聽將適齊君勿受則孔子困矣


詰之曰按如此辭則景公晏子畏孔子之聖也上乃云非聖賢之行上下相反若晏子恃可也否則不然矣

墨子曰孔子見景公曰先生素不見晏子乎對曰晏子事三君而得順焉是有心所以不見也公告晏子曰晏子曰三君皆欲其國安是以嬰得順也聞君子獨立不慙於影今孔子伐樹削迹不自以為辱身窮陳蔡不自以為約始吾望魯貴之人則疑之

詰之曰若是乎孔子晏子交相毀也小人有之君子則否孔子曰靈公汙而晏子事之以潔莊公怯而晏子事之以勇景公侈而晏子事之以儉晏子君子也梁丘據問晏子曰事三君而不同心而俱順焉何人固多心乎晏子曰一心可以事百君百心不可以事一君故三君

之心非一也而嬰之心非三也孔子聞之曰小子記之晏子以一心事三君君子也如此則孔子譽晏子非所謂毀而不見也景公問晏子曰若人之衆則有孔子乎對曰孔子者君子行有節者也晏子又曰盈成臣父之孝子兄之弟弟也其父尚為孔子門人門人且以為貴則其師亦不賤矣是則晏子亦譽孔子可知也夫德之不修己之罪也不幸而屈於人己之命也伐樹削迹絕糧七日何約乎哉若晏子以此而疑儒則晏子亦不足賢矣

墨子曰景公祭路寢聞哭聲問梁丘據對曰魯孔子之徒也其母死服喪三年哭泣甚哀公曰豈不可哉



晏子曰古者聖人非不能也而不為者知其無補於死者而深害生事故也

詰之曰墨子欲以親死不服三日哭而已於意安者卒自行之空用晏子為引而同乎已適證其非耳且晏子服父禮則無緣非行禮者也○曹明問子魚曰子魚觀子詰墨者之辭事義相反墨者矣矣假使墨者復起對之乎答曰苟得其理雖百墨吾益明白焉失其正雖一人猶不能當前也墨子之所引者矯晏子晏子之善吾先君先君之善晏子其事庸盡乎曹明曰可得聞諸子魚曰昔齊景公問晏子曰吾欲善治可以霸諸侯乎對曰官未具也臣亟以聞而君未肯然也臣聞孔子聖人

然猶居處勅惰廉隅不脩則原憲季羔侍氣鬱而疾志意不通則仲由卜商侍德不盛行不勤則顏閔冉雍侍今君之朝臣萬人立車千乘不善之政加於下民者衆矣未能以聞者臣故曰官未備也此又晏子之善孔子者也子曰晏平仲善與人交久而敬之此又孔子之貴晏子者也曹明曰吾始謂墨子可疑今則決矣不疑矣

獨治第十九

子魚生於戰國之世長於兵戎之間然獨樂先王之道講習不倦季則謂子魚曰丈夫不生則已生則有云為於世者也今先生淡泊世務脩無用之業當身不蒙其

榮百姓不獲其利竊為先生不取也子魚曰不如子之
言也武者可以進取文者可與守成今天下將擾擾焉
終必有所定子脩武以助之取吾脩文以助之守不亦
可乎且吾不才無軍旅之任徒能保其祖業優游以卒
歲者也○秦始皇東并子魚謂其徒叔孫通曰子之學
可矣蓋仕乎對曰臣所學於先生者不用於今不可仕
也子魚曰子之材能見時變今為不用之學殆非子情
也叔孫通遂辭去以法仕秦○尹曾謂子魚曰子之讀
先王之書將奚以為答曰為治也世治則助之行道世
亂則獨治其身治之至也○陳餘謂子魚曰秦將滅先

王之籍而子為書籍之主其危矣子魚曰顧有可懼者
必或求天下之書焚之書不出則有禍吾將先藏之以
待其求求至無患矣○子魚居衛與張耳陳餘相善耳
餘魏之名士也秦滅魏求耳魚懼走會陳勝吳廣起兵
於陳欲以誅秦餘謂陳主曰今必欲定天下取王侯者
其道莫若師賢而友智孔子之孫今在魏居亂世能正
其行脩其祖業不為時變其父相魏以聖道輔戰國見
利不易操名諸侯世有家法其人通林足以幹天下傳
知足以慮未形必宗此人天下無敵矣陳王大批遣使
者齎千金加束帛以車三乘聘焉耳又使謂子魚曰天

下之事已可見矣今陳主興義兵討不義于宜速來以
集其事王又聞子賢欲諮良謀虛意相望也子魚遂往
陳主郊迎而執其手讓世務子魚以霸王之業勸之王
悅其言遂尊以博士為太師諮度焉○子魚名鮒申陳
人或謂之子鮒或稱孔申陳勝既立為王其妻之父兄
往焉勝以衆賓待之長揖不拜無知其禮其妻之父怒
曰估亂僭號而傲長者不能久矣不辭而去陳王跪謝
遂不為顧王心慙焉遂適博士太師之館而言曰予雖
丈夫哉然塞於禮義以啓於如姬唯先生幸訓誨之使
免於戾可乎子魚曰王所問者善也敢固無辭以對乎

今以禮言耶則禮無不拜且宗族婚媾又與衆賓異故
者也敬而加親自古以然也王曰雖已失之於前庶欲
救之於後也願先生脩明其事必遵奉焉對曰昔唐堯
內親九族外協萬邦禮以婚為昆弟妻之父母為外舅
姑由是明之則拜之可知夫婚親之義非宗賢之類也
雖自己臣莫敢不敬昔魏信陵君嘗以此質臣之父臣
之父曰於諸母之昆弟妻之諸父則以親配德年以上
雖拜之可也幼於己者揖之可也此出於人情而可常
者也王曰善哉請問同姓而服不及者其制何耶對曰
先生制禮雖國君有合族之道宗人掌其列繼之以姓

萬曆五年刊
山養子中

元

而無別醜之以食而無殊各隨本屬之隆殺屬近則死
為之免屬遠則弔之而已禮之正也是故臣之家哭孔
氏之別姓於弗父之廟哭孔氏則於夫子之廟此有據
而然也周之道雖百世婚姻不誦重先君之同體也王
跪曰先生之言厥義博哉寡人雖固敢不盡心

問軍禮第二十

陳王問太師曰行軍之禮可得備聞乎答曰天子有道
禮樂征伐自天子出自天子出必以歲之孟秋賞軍師
武人于朝簡練傑俊任用有功命將選士以誅不義於
是子夏以級授軍司徒執扑北面而誓之誓于社以背

其事先期五日太史筮於祖廟擇吉日齋戒告于郊社
稷宗廟既筮則獻兆於天子天子使有司以牲特告社
告以所征之事而受命焉舍奠于帝以受成然後乃
類于上帝柴于郊以出以齊車遷廟之主及社主行太
司馬職奉之無遷廟主則以幣帛皮圭告于祖禰謂之
主命亦載齊車凡行主皮圭幣帛皆每舍奠馬而後就
館主車止于中門之外外門之內廟主居于道左社主
居于道右其所經名山大川皆祭告焉及至敵所將戰
太史卜戰日卜右御先期三日有司明以敵人罪狀告
之史史定誓命戰日將帥陳列車甲卒伍于車門之前

有司讀誥誓使周定三令五申既畢遂禱戰祈克于上帝然後即敵將士戰全邑克敵史擇吉日復禱於所征之地柴于上帝祭社奠祖以告克者不頓兵傷士也戰不克則不告也凡類禱皆用甲丙戊庚壬之剛日有司簡功行賞不稽于時其用命者則加爵受賜于祖奠之前其奔北犯令者則加刑罰戮于社主之前然後鳴金振旅有司徧告捷于時所有事之山川既至舍于國外三日齋以持牛親格于祖禰然後入訖奠以反主若王命則卒奠歛主埋之于廟兩階間反社主如初迎之禮舍奠于帝學以訖賊告太享于群史用備樂饗有功於

祖廟合於策勳焉謂之飲至天子親征之禮也陳主曰其命將出征則如之何太師曰古者大將受命而出則忘其國即戎師陣則忘其家故天子命將出征親齋盛服設奠于祖以詔之太將先入軍吏畢從皆北向再拜稽首而受天子當階南面命授之節鉞太將受天子乃東向西面而揖之亦弗御也然後告太社冢宰執筮宜於社之右南面授太將太將北向稽首再拜而受之承所頒賜于軍吏其出不類其克不禡戰之所在有大山川則祈焉禱克于五帝捷則報之振旅復命簡異功勤親告廟告社而後適朝禮也王曰將居軍中之禮勝

子叢子中
三十一
敗之變則如之何太師曰將帥尚左士卒尚右出國先
鋒入國後刃介冑在身執銳在列雖君父不拜若不幸
軍敗則驛騎赴告于載臺天子素服哭于庫門之外
三日大夫素服哭于杜亦如之亡將失城則皆哭七日
天子使使迎于軍命將帥無請罪然後將帥結草自縛
袒右肩而入蓋喪禮也王曰行古禮如何太師曰古之
禮固為於今也有其人行其禮則可無其人行其禮則
民弗與也

答問第二十一

陳人有武臣謂子鮒曰夫聖人者誠高材美稱也吾謂

聖人之知必見未形之前功垂於身後立教而天下弗
犯此言而辯士不破也子之先君可謂當之矣然韓子
立法其所以異夫子之謂者紛如也予每探其意而校
其事持久歷遠遺姦勸善韓氏未必非孔子未必得也
吾今而後乃知聖人無世不有前聖後聖法制固不一
也若韓非者亦當世之聖人也子鮒曰子信之為然是
固未免凡俗也今世人有言高者必以極天為稱言下
者必以深淵為名是資勢之談而無其實者也好辯而
未鑿也必言經以自輔援聖以自賢欲以取信於群愚
而度其說也若諸子之書其義皆然吾先君之所自志

也請畧說一隅而君子審其信否焉武臣曰請子鮒曰
乃者趙韓共并知氏趙襄子之行賞先加其臣而後有
功韓非書云夫子善之引以張本然後難之豈有不似
哉然實詐也何以明其然昔我先君以春秋哀公十六
年四月巳丑卒至二十七年荀瑤與韓趙魏伐鄭遇東
垣而還是時夫子卒已十一年矣而晉四卿皆在也後
悼公十四年知氏乃亡此先後甚遠而公稱之曾
無作意是則世多好事之徒皆非之罪也故吾以是默
口於小道塞耳於諸子久矣而子立尺表以度天植寸
指以測淵矇大道而不悟信誣說以疑聖殆非所望也

武臣又手跪謝施施而退遂告人曰吾自以為學之博
矣而可否於孔氏方知學不在多要在精之也○陳主
問太師曰寡人不得為賢所推而得南面稱孤其幸多
矣今既賴二三君子且又欲規久長之圖何施而可答
曰信王之言萬世之福也敢稱古以對昔周代殷乃興
滅繼絕以為政首今誠法之則六國定不携抑久長之
本主曰周存二代別有三恪其事云何答曰封夏殷之
後以為二代紹虞帝胤備為三恪恪敬也禮之如賓客
也非謂特有二代別有三恪也凡所以立二代者備王
道通三統也王曰三統者何答曰各自用其正朔二代


與周是謂三統王曰六國之後君吾不能封也遠世之
王於我何有吾自舉不及於周又安能純法之乎○陳
王涉讀國語言申生事顧博士曰始予信聖賢之道乃
今知其不誠也先生以為何如答曰王何謂哉王曰晉
獻惑聽讒而書又載驪姬夜泣公而以信入其言人之
夫婦夜處幽室之中莫能知其私焉雖黔首猶然况國
君乎予以是知其不信乃好事者為之辭將欲成其說
以誣愚俗也故使予并疑於聖人也博士曰不然也古
者人君外朝則有國史內朝則有女史舉則左史書之
言則右史書之以無諱示後世善以為式惡以為戒廢

而不記史失其官故凡若晉侯驪姬牀第之私房中之
事不得捨焉若夫設教之言驅群俗使人入道而不知
其所以者也今此皆書實事累累若貫珠可無疑矣王
曰先生真聖人之後風也今幸得聞命寡人無過焉○
陳王涉使周章為將西入關以誅秦秦使將章邯拒之
陳主以秦國之亂也有輕之之意勢若有餘而不設敵
備博士太師諫曰章邯秦之名將周章非其敵也今王
使章肅然自得而不設備臣竊惑焉夫雖天之所舍其
禍福吉凶大者在天小者由人今王不修人利以應天
祥若跌而不振悔之無及也王曰寡人之軍先生無累

也請先生息慮也又諫曰臣聞兵法無特敵之不我攻
特吾之不可攻也今特敵而不自恃非良計也王曰先
生所言計策深妙予不識也先生休矣已而告人曰儒
者可與守成難與進取信哉博士他日復諫曰臣聞國
大兵衆無備難恃一人善射百夫決拾章邯梟將卒皆
死士也周章若懦使彼席卷來前莫有當其鋒者王曰
先生所稱寡人昧昧焉願以人間近事喻之答曰流俗
之事臣所不忍也今王命之敢不盡情願王察之也臣
昔在梁梁人有陽由者其力扛鼎伎巧過人骨騰肉飛
手搏躡獸國人懼之然無治室之訓禮教不立妻不畏

憚浸相泄瀆方乃積怒妻坐於牀答焉左手建杖右手
制其頭妻亦奮志因授以背使杖擊之而自撮其陰由
乃仆地氣絕而不能興鄰人聞其凶凶也窺而見之趨
而救之妻愈驚忿莫肯舍旃或發其裳然後乃放夫以
無敵之伎力而劣於女子之手者何也輕之無備故也
今王與秦角強弱非若由之夫妻也而輕秦過甚臣是
以懼故區區之心欲王備患之也王曰譬類忱佳然實
不同也弗聽周章果敗而無後救邯遂進兵擊陳主帥
大敗○博士凡仕六旬老于陳將沒戒其弟子曰魯天
下有仁義之國也戰國之世講頌不衰且先君之廟在

馬吾謂叔孫通處濁世而清其身學儒術而知權變是
今師也宗於有道必有令圖歸必事焉



孔叢子卷中

